

docriver 文庫網  
古籍書城 獲取更多電子書  
在文庫網搜索古籍書城 獲取更多電子書

中國方志叢書·華中地方·第一二四號

據 清·鐘桐山等修·段映斗等纂  
民國二十二年重印本 影印


湖北省

# 光化縣志

(一)

Sk 440/13

成文出版社有限公司印行



\*10098307\*

中國方志叢書·華中地方·第一二四號

據

清·鐘桐山等修·段映斗等纂  
民國二十二年重印本


影印

湖北省

# 光化縣志

(二)

成文出版社有限公司印行



\*10098308\*

中華民國五十九年 月壹一版

# 光化縣志

全二册

發行人：黃 成 助

出版者：成文出版社有限公司

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：東南印製廠有限公司  
和平西路二段70巷83弄29號

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

光化縣志

古今長

民國癸酉之夏  
六月申浣翻印

生言

光化縣志序

光化古陰地在漢為鄧在宋為乾  
德即光化軍蕭侯鄧侯之采邑  
而歐陽文忠公之舊治也上接閬  
隴旁通巴蜀界連鄧漸屏蔽襄  
樊漢水由嶓冢來氣勢浩瀚至

邑而崇紆曲折誠水陸形勝之  
區南北衝要之地予以壬午煇  
來宰斯邑適

大府檄取邑志以供通志之采  
梓邑向有舊志前邑令李君鏡  
心與邑庠文榮君朗山王君植



至後局采訪僅得斷簡殘編逐  
加披覽每多闕遺爰邀耆史余  
君播越邑紳吉君晉臣路君文  
軒簡生漢卿再三善書分鄉  
博采東鄉以齊北岳傳維祺  
任之南鄉以盧正衛鄭玉亨

任之西鄉北鄉以劉乙照左  
傳之徐式寔張洽任之會因  
秋收歉薄會匪布謠急急於  
團練保甲迨會匪既除春荒又  
屆民食維艱何暇纂志幸蒙  
天府借穀賑飢民生以賴麥

度有缺乃就瀋文書院設局分  
編延段映斗明經周履中涂起  
功焦作鏞諸茂才朝夕致究教  
教不輟而又以楊鳳藻諸生力  
任鈔畧自癸未六月始迄八月而  
志以粗成或徵諸載籍或訪之

卷之七

三

艾老山川風俗之所闡政治文章  
之所繫忠臣節婦疇士高人維  
未能網羅之遺亦庶幾採擇殆  
遍使由書而加以潤色繼以討論  
品采以遠遜於武功敦邑誌志也  
既乎磅礪真新蘊釀既深鍾解

之氣積久必黃邑志既由以信  
猶軒之采邑人士即由以儲積  
幹之材行見繼武前賢先生  
志乘於以仰副

天子作育人材之化者濟濟繩  
繩方興未艾始於志之莫成謹

序次如左

光緒九年歲次癸未季秋月  
上浣署光化縣事補用知縣  
華陽鍾桐山撰并書

民國癸酉年慎詒堂翻印

余少游羅漢古刹得乾隆初碑讀之歎寺緣起無攷由所  
邑乘底本沒於黃河故遂欲私爲編輯時正習帖括業未  
果中年業筆遊四方過大梁適 帝京又折而西登秦隴  
嗣後復于役鄂城僕僕風塵不暇躬親鉛槧每引以爲恨  
去歲息影蓬廬適值 邑侯鍾鳳喈承前令唐敬亭程占  
芸李小屏纂志之志延余參耒議得與周履中涂枚臣佳  
松軒諸君彼此考訂無多日脫稿奈開雕費絀旋作旋止  
賴 邑侯葉公銳意籌辦能使數百年未有之舉不數月  
殺青告竣噫天下事人莫不趨易而避難今 鍾公不畏

難而創之 葉公復不以爲難而成之兩賢接踵其有裨  
吾鄴者豈淺鮮哉余桑榆日迫方懼是書之卷難以遠付  
手民不圖私衷未了之願猶克償於一旦也爰書此以志  
幸

光緒十年歲在閏逢渚灘小陽月段映斗序



吾邑修志自同治丁卯錢塘程侯始時功認任考核之役  
會漢水滔溢事遂寢嗣是蒐討故貫期俟方來家乏藏書  
常借鈔於他氏語雖瑣屑亦備紀於簡端第網羅難遍不  
能無憾漏略耳客歲夏季權縣篆華陽鍾侯復修斯典賴  
彛纂諸君又各采覽無間昕夕匝一月幸茲萃成編侯手  
披數過謂體例頗詳撫拾甚富創彙即善本也適當解任  
促令開雕無何忽以經費不繼中輟論者惜之邑侯葉選  
浦師到官興廢舉墜加意風教茲書尤所願速觀厥成者  
爰力任籌貲俾檢未刊條重訂入梓庀局於七月初踰十

docsriver 文川网  
入驻商家 古籍书城

在文川网搜索古籍书城 获取更多电子书

旬工竣爲識其顛末如此若夫校疑正譌芟複補亡竊有  
望於後之同志者云光緒甲申十月望日涂起功題

余籍隸浙西先大父客鄒遂家焉余自挽髮從邑先達遊  
聞故實心輒識之光緒癸未邑侯鍾桐山蒞任首以培  
植學校為亟務詢悉志乘屢與屢寢爰進諸紳董謂之曰  
事莫難於初始既終畏難事矣濟迺筮吉設局復因兵燹  
後甚藏書家倩余來諸他邑得若干幅未幾侯遷武昌  
葉還浦夫子補斯篆駕輕就熟百廢俱興見志書歌劇  
逾半喜甚曰此余曩年未竟志幸鍾君成之第輿圖疆  
域攸關非可意度以余畧通繪事命偕周君時芬徧歷四  
境勘實成圖周君為說以明之逾月歸予民亦以次藏事

竊以數千百年之事蹟如芥絲然涇  
鍾葉兩公後先聲  
盡載筆諸君不憚勞瘁兩一載燦然大備余得從其後而  
樂觀焉是誠三生之幸也夫唐學瀛謬識

序

先化襄郡屬邑也邑之士民多好義凡有裨益教化之事  
倡之無不舉風俗樸厚甲於他邑兵燹後築河隄修衙署  
建

文昌閣以及城樓諸大工均次第興起煥然可觀惟志書  
殘缺漫漶無稽

皇上御極之元年詔郡縣修志前邑令李君鏡心與邑廣文葉  
君朗山王君植三設局採訪草創略具然而拾遺補闕修  
理維艱繼任縣事鍾君鳳喈爰邀余摺三太史及邑紳李

君晉臣路君文軒簡君漢卿規畫區處復設局於復文書  
院延邑之明經段仙槎生負周時奔涂枚臣焦松軒楊五  
棲分任其事書成錄呈

院憲去年冬余重蒞斯土因傳四鄉紳董張兆龍齊兆萬  
劉乙照盧正衢張淦督催各團經費俾以其畫付諸剗剗  
並囑選拔唐君步洲同周君時奔週厯各鄉參互攷訂以  
求其詳閱三月而歲事是志也李鍾兩任剗其端葉王兩  
君襄其事域鄉諸紳始而出力終而籌費皆好義士民有  
以贊其成也余何功焉自愧才識疎淺無以教養斯民惟

無時不以培養地方元氣為念書曰作善降之百祥比歲  
年穀豐登人民壽康豈無感召而然耶從此民俗益厚風  
化益隆多士罔不爭自濯磨將見德日進而學自宏科名  
勲業扶搖直上致闔里榮增志乘光是則余之厚望也是  
為序

光緒甲申仲冬月上浣華陽葉樹南謹





序


先邑在周為陰城在漢為鄮何以名鄮漢封功臣蕭相國  
食采於茲高祖定鼎意以咽喉之所上通秦蜀下瞰江淮  
不有豐功偉烈坐鎮其中安能成大漢無疆之業哉漢末  
紛爭未獨伏龍鳳雛為當代名臣儒將後世高人隱逸屢  
出褒鄮之間顧天生歷代之人才必有歷代邑志以傳不  
朽有邑志而人才之出處風俗之厚薄城郭之興廢世運  
之變遷瞭如指掌志之為功不甚鉅歟

熙朝以來蔚春先世高曾來遊於此或居先化或客喪葬數百

年矣先君子由先返梓好讀書喜談邑乘嘗曰予聞天下  
志書多矣未聞先邑有志然所經名勝未有若鄴陽之盛  
者不肖侍坐聽聞之下中心嚮慕久之不幸先君即世先  
邑戚友延教讀不辭千里教然就道館於河口八載於茲  
過先人之舊廬憶老親之廷訓言猶在耳物是人非不禁  
潛焉出涕感傷風木同治辛未歲復授職於斯不意天假  
之緣重臨故地異鄉也不啻故鄉焉詢諸父老稽查邑乘  
荒渺無稽漢魏以前無論魏晉而後下逮唐宋元明以至  
本朝輯有志略一壞於水火再壞於刀兵不獨前無所稽即成

豐身逆捨匪之亂義勇多陣亡貞婦多節烈死亡者累  
不忍聞若不旌獎以慰英魂如芝蘭隱於空谷寶劍藏於  
豐城豈非千古恨事哉况山水之奇人才之盛物產貨殖  
之多河口繁勝甲於他邑加以名宦為祖輩奮遊之地信  
與此間山水大有奇緣是以邑志一書更不敢以僻責日  
與名宿搜羅往事凭眺登臨仰觀西塞雲臺放懷宇宙俯  
視東流漢水浩淼烟波他若雄才大畧訪當年隨漢之碑  
善政流風入今日名臣之傳播芳徽於此日垂大節於千

秋欣逢



聖天子盛治休明

大府採風問俗前任李君小屏奉諭輯修有志未遠鍾君  
鳳喙接篆客歲盜賊蜂起今年饑饉游臻公禦侮賑飢四  
境安堵無恙公餘之暇採訪邑志纂有善本惜未歲事業  
尋還浦接任以邑乘為急務爰約紳耆善度經費興邑中  
士大夫勦加訂正勒為成書付諸剞劂以數千百年難  
成之事一旦大發其光華春躬逢盛舉幸此志之有成也  
上以辭

朝廷培植風化之心下以礪節義好修之士將見人才日起文

運天開異日士君子敬崇聖學易俗移風與此志並垂不  
朽是又予之厚望也夫

光緒九年歲次癸未冬月先化縣教諭葉蔚春撰

docsriver 文川网  
入驻商家 古籍书城

在文川网搜索古籍书城 获取更多电子书





序

皇上御宇之九年寰海鏡清道路砥平文治之隆超唐軼漢自直省大都以逮各郡州縣莫不勒有圖志以備

朝廷化民成俗之資若今東屬光化縣志之修其一徵也按光化在周為陰子國在漢為鄴宋初為乾德後更今名四境相距皆周百里南通襄鄂北達鄖陝冠蓋之往來絡繹不絕蓋亦名勝區也嘗試登高弔古求蕭相國破符之故址其風氣固殊焉遙望馬窟諸峯烟雲繚繞古寺參差歐陽文忠公敷教之遺跡犹有存焉者而近瞰城西有大碑